

Simon, E. 1886. Espèces et genres nouveaux de la famille des Thomisidae. Act. Soc. linn. Bord. 40: 169-170.

3. **Stephanopsis rhomboidalis** sp. nov. — ♂ long. 4,5^{mm}. — Cephalothorax longior quam latior utrinque sat ample rotundatus antice abrupte angustior, fronte angusta evidenter acclivi, fusco-rufescens macula media testacea elongata et postice acuta notatus, subtiliter coriaceus et pilis crassis curvatis et pronis in lateribus flavescens in medio albidis vestitus. Oculi positi in linea valde recurva æque et anguste separati, laterales mediis paulo majores. Oculi antici subcontigui in linea valde recurva, laterales mediis plus quadruplo majores. Area mediorum saltem duplo longior quam latior. Clypeus altus leviter depressus. Abdomen multo longius quam latius, antice posticeque fere æqualiter attenuatum, antice obtusum et paululum emarginatum, in medio obtusissime bituberculatum, pallide testaceum in medio confuse infuscatum et linea media longitudinali pallida sectum, infra vitta media obscuriore mamillas haud attingente notatum, pilis albis crassis aculeis nigris paucis mixtis indutum. Chelæ et sternum obscure fulva. Pedes validissime inæquales, antici quatuor reliquis multo longiores et crassiores obscure fulvi, femoribus aculeis brevibus elevatis et inordinatis 7-8, tibiis aculeis inferioribus longis 5-5, metatarsis aculeis similibus 3-3 atque aculeis lateralibus minoribus plurimis armatis, pedes postici luridi intense fusco-annulati parce aculeati. Pedes-maxillares fulvi tarso infuscato, femore gracili compresso, patella paulo longiore quam latiore, tibia patella paulo brevior extus apophysa apicali nigra tereti intus curvata apice abrupte secta armata, tarso anguste ovato, bulbo simplici.

♀ long. 5,5^{mm}. — Frons paulo humilior. Abdomen altius bituberculatum pallide luridum in parte basali oblique fusco-marginatum in parte altera vitta latissima obscuriore parum expressa notatum. — Madagascar.